

MOTŠHELO WA POELO YA KGWEBO

Na ke eng?

Motšhelo wa poelo ya kgwebo ke sisteme e nolofaditšwego yeo e nepilego gore dikgwebo tša maekro/tše nnyane di kgone go fihlelela ditlamo tša tšona tša motšhelo. Sisteme ya motšhelo wa poelo ya kgwebo e eme legatong la Motšhelo wa Letseno, VAT, Motšhelo wa Motšwaoswere, Motšhelo wa Dipelo tša Matlotlo le Motšhelo wa Dikarolwa bakeng sa dikgwebo tše nnyane/maekro tša poelo ya kgwebo ya ngwaga ya go khwalifaya ya R1 million goba ka fase. Kgwebo e nnyane/maekro yeo e ngwadišitšego bakeng sa motšhelo wa poelo ya kgwebo, le ge go le bjalo e kgetha go dula go sisteme ya VAT (go tloga ka 1 Matšhe 2012).

Motšhelo wa poelo ya kgwebo o tlhakanywa ka go diriša tekanyetšo ya motšhelo go poelo ya kgwebo yeo e tšhelelwago ya kgwebo ya maekro. Ditekanyetšo di dirišwa ka ngwaga o mongwe le o mongwe wa tekolo wa go fela mo dikgweding tše 12 ka 28 Feberware 2018:

Poelo ya kgwebo (R)	Tekanyetšo ya motšhelo (R)
0 - 335 000	0%
335 001 - 500 000	1% ya R1 enngwe le enngwe ka godimo 335 000
500 001 - 750 000	1 650 + 2% ya palo ya ka godimo ga 500 000
750 001 le ka godimo	6 650 + 3% ya palo ya ka godimo ga 750 000

Tafola ya 1: Ditekanyetšo tša Motšhelo wa Poelo ya kgwebo bakeng sa ngwaga o mongwe le o mongwe wa tekolo wa go fela ka dikgwedi tše 12 tša go fela ka 28 Feberware 2018.

Na ke ya mang?

Dikgwebo tša maekro tša poelo ya kgwebo ya ngwaga ya R1 million goba ka fase. Balefela motšhelo bao ga letelago ba ka khwalifaya:

- Batho ka noši (dikgwebo tša beng)
- Dikgwebo tša badirišani
- Dikoporasi tša go tswalelwa
- Dikhamphani
- Dikgwebo tša tlemagano

Na o ka ngwadiša bjang?

Go ngwadiša bakeng sa Motšhelo wa Poelo ya kgwebo:

- Dira [molekwana wa ka pejana](#) go bona ge e ba o khwalifaya bakeng sa motšhelo wa poelo ya kgwebo
- Go hwetša tshedimošo e nngwe [ya ka fao o ka ngwadišago](#)

Na o ka lefela bjang?

Go na le matšatšikgwedi a marago a ditefelo:

- tefelo ya pele ke ya magareng ga ngwaga wa motšhelo ka letšatši la mafelelo la kgwebo la Agosetose k.g 29 Agosetose 2014 go [TT02 – Tsebišo ya Tefelo ya Motšhelo wa Poelo ya kgwebo](#)
- tefelo ya bobedi key a mafelelong a ngwaga wa motšhelo ka letšatši la mafelelo la kgwebo la Feberware k.g. 27 Feberware 2015 ka [TT02 – Tsebišo ya Tefelo ya Motšhelo wa Poelo ya kgwebo](#)

- Tefelo ya mafelele e ka morago ga ge [TT03 - Pušetšo ya Motšhelo wa Poelo ya Kgwebo](#) e rometšwe gomme e tšweleditšwe. Thomelo ya dipušetšo tša motšhelo wa poelo wa TT03 e nyalelana le thomelo ya dipušetšo tša ngwaga tša motšhelo wa letseno, magareng ga 1 Julae le 31 Janaware ngwaga o latelago.

Kgotla mo go [hwetša tshedimošo enngwe](#) ka ga go lefela le go romela.

Na ke direkhoto dife tše di swanetšego go bolokwa?

Mohola o mogolo kudu wa motšhelo wa poelo ya kgwebo ke phokotšo ya dinyakwa tša direkhoto tše di bolokilwego. Direkhoto tše di latelago di swanetše go bolokwa:

1. Direkhoto tša palo ka moka yeo e amogetšwego;
2. Direkhoto tša dikarolwa (di-dividente) tše di laodišitšwego;
3. Lenaneo la thoto enngwe le enngwe ka theko ya go feta R10,000 mafelelong a ngwaga wa tekolo le dikoloto tša go feta R10,000.

Go tšeela hlogong mehuta ya ditshenyagelo tše di dirilwego ke kgwebo ya maekro (e nnyane) le go tloša go boloka direkhoto tše di tseneletšego tša ditshenyagelo tša motšhelo wa go gogwa, ditekanyetšo tša motšhelo wa poelo ya kgwebo di ka fase ga ditekanyetšo tša motšhelo ka fase ga maemo a sesteme ya motšhelo.

Tše di latelago di tla go thuša ka polokelo ya gago ya direkhoto

- [Pukutiro ya polokelo ya direkhoto bakeng sa batho ka noši le badirišani ba kgwebo](#)
- [Pukutiro ya polokelo ya direkhoto bakeng sa dikoporasi tša go tswalelwa, dikhamphani le dikhamphani tša tlemagano](#)